

भज भगवान भूले मत प्राणी,

दोहा मानुष तन दियो थने,

भोंदू भजले पीव,

बैठो क्यू संगराम कहे,

अब उंडी देने नीव ।

दने उंडी नीव,

हिया का फूटा गैलां,

कर आगा ने ठौड़ अटे,

कुण रेवण देला ।

लख चौरासी जूण में,

रुलियो फिरसी जीव,

बैठो क्यू संगराम केवे,

अब उंडी देने नीव ।

सूखा पेड़ मूर्ख नर,

कभू न नीचा होय,

टूट जाय पर झुके नहीं,

ज्याने आजमा देखो कोय ।

आजमा देखो कोय,

रहे करड़ा का करड़ा,

अरंड जाय आकाश,

झुके नहीं पोला परड़ा ।

आम और विद्वान नर,

सदा झुके ए दाय,

परमानंद पढ़ देख लो,

ग्रन्थ में सब कोय ।

राम नाम खारा लगे,
मीठा लागे दाम,
दुविधा में दोनों गए,
माया मिली न राम ।
राम नाम मीठो घणो,
जो कोई चाखे घूँट,
जन्म मरण दोनू मिते रे,
सहज मिले बैकुंठ ।

भज भगवान भूले मत प्राणी,
अंत कोटि सन्त राम रटे,
सुंदर काया काम न आवे,
कोडी उ नहीं अच्छा दाम बटे ॥

गर्भ वास का कोल भूलगो,
बायर आकर नीच नटे,
चूण चुगगो उदर माही दीनों,
ऊंदे मुंडे लटकियो उठे ॥

नीची नीची जूणिया भोगता,
छेलो अवसर आयो अठे,
ई अवसर ने चूक मत भाया,
मार धड़ा धड़ पड़े वठे ॥

हरि भक्ति नहीं हरि चर्चा सुहावे,
गप्पा मारतो नहीं डटे,
रात दिवस का पड़पच माही,

इक्कीस हजार छह सौ श्वास घटे ॥

राम नाम कदैई नहीं लीनो,
लिखी चौरासी भोग्या कटे,
कहे दानाराम भजन कर बन्दा,
कांई नकटा थारो नाक कटे ॥

भज भगवान भूलें मत प्राणी,
अंत कोटि सन्त राम रटे,
सुंदर काया काम न आवे,
कोडी उ नहींअच्छा दाम बटे ॥

गायक बीरमजी महाराज ।
प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/bhaj-bhagwan-bhule-mat-prani-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>